
DE POENITENTA

Methodus admittendi hæreticos
AD PROFESSIONEM FIDEI SEU ABJURATIONEM.

1. Sacerdos igitur, cui facultas abjurationis recipiendæ comissa est, superpelliceo et stola violacei coloris indutus, sedet in cornu Epistolæ, si Sanctissimum Sacramentum in tabernaculo asservetur, sin minus, in medio Altaris, et coram illo genuflectit neoconversus, qui Evangelii codicem dextra manu tangens, emittit professionem fidei prælegit, ut conversus eamdem intellegere, et cum Sacerdote distinctis verbis enuntiare possit.

2. Professione fidei emissa, neoconversus genuflexus manet, Sacerdos vero, sedens ut prius, dicit Psalmum: Miserére, vel Psalmum: De profundis, ut infra:

Psalmus 50

Miserére mei, Deus, secúndum magnam misericórdiam tuam.
Et secúndum multitudínem miseratiónum tuárum, dele iniquitátem meam.

Amplius lava me ab iniquitáte mea; et a peccáto meo munda me.

Quóniam iniquitátem meam ego cognósco: et peccátum meum contra me est semper.

Tibi soli peccávi, et malum coram te feci: ut justificéris in sermónibus tuis, et vincas cum iudicáris.

Ecce enim in iniquitátibus concéptus sum: et in peccátis concépit me mater mea.

Ecce enim veritátem dilexísti: incérta, et occúlta sapiéntiæ tuæ manifestásti mihi.

Aspérges me hyssópo, et mundábor: lavábis me, et super nivem dealbábor.

Audítui meo dabis gáudium et lætítiam: et exultábunt ossa humiliáta.



Avérte fáciem tuam a peccátis meis: et omnes iniquitátes meas dele.

Cor mundum crea in me, Deus: et spíritum rectum ínnova in viscéribus meis.

Ne projícias me a fácie tua: et spíritum sanctum tuum ne áuferas a me.

Redde mihi lætítiam salutáris tui: et spírítu principáli confirma me.

Docébo iníquos vias tuas: et ímpii ad te converténtur.

Líbera me de sanguínibus Deus, Deus salutis meæ: et exultábit lingua mea justítiam tuam.

Dómine, lábia mea apéries: et os meum annuntiábit laudem tuam.

Quóniam si voluísset sacrificium, dedíssem útique: holocáustis non delectáberis.

Sacrificium Deo spíritus contribulátus: cor contrítum, et humiliátum Deus non despícies.

Benígne fac Dómine in bona voluntáte tua Sion: ut ædificéntur muri Jerúsalem.

Tunc acceptátis sacrificium justítiæ, oblatiónes, et holocáusta: tunc impónent super altáre tuum vítulos.

Glória Patri.



Vel

Psalmus 129

De profúndis clamávi ad te, Dómine: Dómine, exáudi vocem meam.

Fiant aures tuæ intendéntes, in vocem deprecatiόνis meæ.

Si iniquitátes observáveris, Dómine, Dómine, quis sustinébit?

Quia apud te propitiátio est: et propter legem tuam sustínui te, Dómine.

Sustínuit ánima mea in verbo ejus: sperávit ánima mea in Dómino.

A custódia matutína usque ad noctem, speret Israël in Dómino.

Quia apud Dóminum misericórdia; et copiósas apud eum redéemptio.

Et ipse rédimet Israël, ex ómnibus iniquitátibus ejus.

Glória Patri.

3. Psalmo finite, Sacerdos surgit, et dicit:

Kýrie, eléison. Christe, eléison. Kýrie, eléison.

Pater noster *secreto usque ad*

V. Et ne nos indúcas in tentatióne.

R. Sed líbera nos a malo.



V. Salvum (-am) fac servum tuum (ancíllam tuam),
Dómine.

R. Deus meus, sperántem in te.

V. Dómine, exáudi oratiónem meam.

R. Et clamor meus ad te véniat.

V. Dóminus Vobíscum.

R. Et cum spírítu tuo.

Oremus.

Oratio.

Deus, cui próprium est miseréri semper, et párcere: súscipe deprecatiónem nostram; ut hunc fámulum tuum, quem (hanc fámulam tuam, quam) excommunicatiónis senténtia constríngit, miserátio tuæ pietátis cleménter absólvat. Per Christum Dóminum nostrum.

R. Amen

4. Deinde, Sacerdos sedet, et facie ad profitentem genuflexum versus, eum ab hæresi absolvit, dicens:

Auctoritáte Apostólica (*vel* Auctoritáte reverendíssimi Episcopi N.), qua fungor in hac parte, absólvo te a vinculo excommunicatiónis, quam (*in dubio gravi vel etiam levi, num incurrerit, additur: forsan*) incurrísti, et restítuo te sacrosanctis Ecclésiæ Sacraméntis, communióni et unitáti fidélium,
in nómine Patris, et Fílii, + et Spíritus Sancti.
Amen.

5. Tandem abjuranti aliquam pœnitentiam salutarem injungat, e. g. aliquas preces, visitare ecclesiam, aut quid simile.

6. In foro autem interiori, Confessarius facultatem absolvendi ab hæresi habens, absolvat juxta formam communem, in absolute sacramento præscriptam.